

卷二十二
文獻

林下筆記卷之二十二

尤數持字篇目錄十二

大明律

無定錄

典經通攷

屯田錄

侯堰議

雜錄

後苑開水田

雜錄

林下筆記卷之二十二

文獻指掌編目錄 十二

大明律

無冤錄

典錄通攷

屯田議

堤堰議

種桑

後苑開水田

幽風圖

勸課詩

命世子觀稼

楮品

勸農節目

移秧之弊

常平穀

耗三分二會錄

李之菑救活

三韓錢

楮貨議

常平通寶

訓局鑄錢之始

金墾請用錢

錢制

錢弊之論

咸興鑄錢

木綿之始

罷戶市

李公桑

三十稅一之法

田分等

退溪納稅先於人

三手米

詳定案跋

新起添稅之論

雜賦論

內下金銀蕩逋

關北田稅之論

養戶之弊

灾政

蟹灾

田政

剩結終歸私庫之弊

始置市廛

商賈首領

市弊之論

訓局軍全減市役

中江開市之始

北關開市

會寧開市

倭館開市

館市事例

謁聖之始

親策

大射

曉諸生文

焚佛像

儒學提調

扁額

欄衫

進士服

序齒

齋薦

捲堂

庭揖

四學

戊午史禍

三次士禍

市井歌

大耄生男

祠院之始

書院之論

祠院額號

旋間

中樞府之制

罷外戚封君

以駙馬拜官

忠勲府之制

錄勲

義禁府

罷銓郎薦法

禮曹之重

兼兵曹

漢城府之重

喉院之緊

堂后

武承旨

臺閣題名記

茶時廳

兩司互相查勘

憲府坐起

都憲之重

司諫院初隸政院

諫院魚經歷

臺諫數違之弊

臺嫌

臺體

臺諫與宰相輕重

臺諫為將臣

李之菴上疏

栗谷萬言封事

辭職補疾

我朝取人之路

分職各專其任

醫官不得為輔國

論體統疏

有才者逢亂世

用人唯科試與蔭路疏

銓官擇差疏

文臣武臣之別

主文硯

公堂問答

相門刺紙

南溟封事

吏胥弄奸之弊疏

吏無陞遷之論

山字官

監司要畧

監司牽眷之始


左右監司


論監司之任啓


監司相避

武監司

以監司入京







林下筆記卷之二十二

月城李裕元景春輯

文獻指掌編

大明律

大明律洪武三十年成律凡七曰名例律曰吏律曰
戶律曰禮律曰兵律曰刑律曰工律摠四百六十條

無冤錄

無冤錄正統三年成崔致雲註肅宗御製引曰夫難
莫難於理獄而折獄尤難冤莫冤於枉屈而枉死尤
冤蓋獄者人命之攸關而死不可復生刑不可復續

則至繁至重者顧不在於檢驗歟苟或莫察於檢覆
之際定執不明則死生以之而繫焉寃以之而興
焉傷天地之和台水旱之災此東甌王之所以參考
二錄而增損之明亦來世者而其致命之多端驗法
之非一與律家之獄意表之事炳然備載固有闕漏
真一指南也後之按獄之官誠能反覆深體謹之之
本意繫床自底不寃則其亦庶幾不悖乎目編焉

典錄通攷

英宗十年李衡佐進啓經國大典有先後續錄續錄
後有受教輯錄而與大典或不無牴牾者故後撰典

錄通攷此則大典受教分類而成者也頒布遵用今
已三十餘年而厥後新受教示幾至數三卷此皆成
典外一時裁斷者本曹則多用新受教外州則專用
成典京外用法以此大相不同實有乖於畫一之政
上曰稟處可也

屯田議

宣祖朝崔玄曰兵之所屯食為最急故趙充國謀破
西羌先務屯田其所上便宜之策曰兵卒若干留屯
以為武因田以致穀威德并行又曰居民得并田作
不失農業臣竊得聞之北邊之地厥土膏腴倍於南

方開曠未墾不啻甚多試令高度形便隨以幹能一
吏專任監董役用土兵戍兵得食於官者官為辦給
牛種芻用至謀色元居入居人戶亦各量宜折給要
之自耕至穫之時千耦布野廬舍相望則兵之得人
食者始專軍糧而今魚農糧也蓋兵不離農不離
兵從古以為得策穀成之後兵之所作歸公而復為
兵所得食謀色所作歸私而人戶免於失業今所恐
者地或不足耳不可使寸土不墾也李德馨啓曰屯
田之舉一以活飢民一以備兵食若得勤幹之人分
就各處農作其為利不貲矣今年京外屯田緣芻具

不備農軍不多狼餉不繼有若戲具所收無幾明年
之事當趁今年七月雨纖悉料理賑濟場飢民就食
之中擇男丁可堪事者增其所食合數以充農軍外
方僧徒為頭陀形避來村間農作者頗多令各處及
總攝召募則千百不難得也且外方流離之民願依
官家屯田資活者亦不知其數掛榜曉諭聚合則丁
壯必集矣該曹又別擇文武南行人中知田有計慮
顧惜前程者分為各處屯長給農軍耕墾京城外近
處出捐該司米穀數千石計其農軍及受種多少節
次均給俾無缺乏而秋成以所出捧糴收儲兩便矣

司今龍山倉為國命所寄之地而守直孤軍脫有不
虞何計以防之露梁越邇及陽川下至今浦作屯制
起而圍取流戶更募軍兵數百作一障於芝山城
近處耕農鍊習以張軍勢亦一策也且各驛馬伉膏
饒甲於一境而盡為陳荒若令察訪各率遺存驛卒
及徇近流民隨力耕墾則驛卒得活而道路通矣各
陵近處多有良田畋畱守護軍得脫於兵火者無所
依接死已漸盡每當節日祭享之時令京圻各官叔
合村家器具破毀汚陋之物苟且行事辱亦甚矣若
令叅奉各率遺存守護軍且募遠近之人耕種於陵

內外之地設幕守直則守護軍無飢餓流離之患齋
郎有依庇之所祭祀亦可藏閑待用而絕轉輸之弊
李恒福劄曰經理屯田為南方巨弊民甚怨咨此事
始末臣亦粗知往年楊經理在京時南方邊報卒至
軍前缺糧士多枵腹經理急召同候陪臣責令屯田
募粟以補軍需時當夏月事且蒼黃備局隨一時之
宜以應一時之急仍令各道科外徵穀名曰屯田隨
地廣狹定穀多少故各道計其元數分定各官每官
多者責納數百石少者數十石其法春給種租一斗
秋徵二十五斗每石作米六斗其有流亡者侵徵隣

族間有奸民託言屯田橫奪民田以為已利其弱者
無田可種皆出私田以充官種古者屯田皆於屯田
之處因地拋荒且耕且守以供軍儲今而不然虛冒
古名案貽新害日月已久漸成痼弊經理去而屯田
猶在臣以便宜將舟師所屬沿海等官屯田元數半
減播種矣為今計者一切蕩滌最為上策如其不可
先將舟師所屬沿海屯田急急革除以為得宜又啓
曰別擇陳地作屯田以為衙供州府郡縣差次高下
定其田限毋得濫耕侵其良民然後徵米之事一切
禁革如或事覺計其穀數照以贓律似為宜當仁祖

朝命於隣山等地開曠處廣開屯田從管餉使成俊
耆請也孝宗朝命募民設田於安山德勿島以其為
江都門戶也許穆疏曰方今度支經費罄竭責應無
計各衙門屯田不領於度支者幾滿八道此其地未
必皆閑田棄壤民田冒入逃賦稅者過半宗室貴戚
號為農所者邦域之內遍於膏壤山林鹽海財物魚
鹽之所出且為貴大家所占有公私俱困田賦大縮
度支經費何恃而不匱生民生業何恃而不窮稽之
古典貴戚賤田有數請令戶曹準數折給之外皆與
民田均稅罷屯田歸稅於度支田賦既廣財用自饒

窮民之號怨少緩而豪強右族知所惧矣顯宗朝俞
榮劄曰諸宮家屯田之弊為辱國歛怨之大者宜明
立條制宋浚吉疏曰諸宮家屯田之弊誠為病民之
痼疾其利則盡入宮奴其怨則都歸國家不識殿下
何苦而替人歛怨自貽譏議耶向臣首發職田之論
而未聞處分不可使聞於隣國也五年因備局啓辟
搃戎廳屯田以焰焔煮取時許多襍物皆從此出特
命勿罷七年罷訓局屯田移屬糧餉廳於戶曹策應
本營軍需肅宗朝李頤命疏曰我國屯田之弊乃前
古所無之事而諸宮家各衙門實為亡國之權輿也

顧念良民之偏悴歲入之日猶悲由於此而密戚貴
臣私自為利故未易革罷及至今日其弊日滋土地
不籍於司農人民不屬於縣官龍山邑野作一逋數
大邑咸棄其半小邑只保一面軍役徭賦獨責餘民
、生之困苦日以益甚國家之經費每患不足古先
王經國制民之道似不若是也

堤堰議

太祖四年鄭荅上言曰勸農之要在募堤堰守令皆
帶勸農之職而不急于是乞下都觀察使令州府郡
縣擇品官廉幹者定為勸農官當秋冬交修募堤堰

以儲雪水無成漏洩又於水口置石渠導其上與堤
等溝內立木桶桶內作三五穴隨水高下而通塞之
溝之外橫置木槽虛其兩端其下左右開渠引水別
於堤堰一還低導若干尺比桶之上穴差高排之以
石以備霖潦之溢置守者若干戶勸農官豎封其穴
及春將耕則佃者告于勸農官開穴分水使灌溉有
節無致費用勸農官之能否守令之勤怠都觀察使
褒貶申聞以憑黜陟焉孝宗二年史官曰趙龜錫為
全羅監司有一堤介於全益兩邑屢經修導不成龜
錫按視知其便遂得人委任鑿石通水灌田可累千

頃民蒙其利柳馨遠曰金堤之碧骨堤古阜之訥堤
蓋山全州之間黃登堤皆是陂堤之巨者有大利於
一方而古極一國之力成導今皆廢缺者不過數十
丈許計其功不過千人一旬之力比之初導不啻萬
分之一若使此三堤貯為千頃之陂則蘆嶺以上永
無凶年而於一國亦大為萬世之利矣肅宗元年尹
鵠啓曰水利農政之本也外方堤堰崩頽處不可不
趁農前修導前頭若有飢民賑恤之舉則仍聚其就
賑之民及時修導事甚便好令廟堂行會八方何如
戶曹判書吳挺緯曰我國水旱災偏甚者以其無堤

堰故也堤堰之法自冬儲雪水故雖有旱災所賴多矣我國亦有堤堰之法而今則廢墜矣命申飭舉行堤堰司啓請頒行事目首鄭國之導沇水鄭當時之穿渭渠皆是天下之大江大河而尚能築堤灌漑大收豐穰之功我國之人則川澤稍大者亦不能堤防無限膏澤盡歸虛地少遇旱災輒至大無良可痛惜今宜專以防川為備災之地但堤防之處當用許多木石此則本邑守令預於當籌之處別設場市使就市之徒鳩聚木石完籌而一經雨水如有潰決處必須以大木斜豎橫結撐柱其後如家舍間架之狀使

不動搖而堤下多數積石或多積松枝以防水溢衝
破之患修葺後本道報于本司本司發遣郎廳摘奸
勤慢以為賞罰之地肅宗九年判府事金壽興奏曰
朱子之賑救莫如講水利為言曾在先朝別設堤堰
司專管堤堰而近來此法弛廢只令戶判兼察令以
備局堂上一貲差堤堰司堂上使之專意水利則必
有所益從之英宗十年戶曹判書李廷濟迨隆旱乾
最為難救之災而若善修堤堰則家有奪造化之功
至於大堰則可以灌漑數千石地矣若使蒙利民人
乘農隙修葺則誰敢怨乎此所謂雖勞不怨矣八道

皆當申飭三南宗為最緊今欲別為申飭而近來朝
令外方不謹奉行惟年例俸納之事亦不着宗為之
矣臣謂道臣及守令處各別申飭之後春間方遣備
局郎廳使之看審如有如前湮序不為貯水者當該
守令各別科罪何如上曰既為堤堰堂上何必陳達
而後始為申飭耶廷濟曰乃所以重其事也若陳達
之後又為申飭則必有舉行之效矣上曰依為之

種桑

經濟大典國初立種桑法大戶三百本中戶二百本
下戶一百本不栽種者守令論罷金淑滋為縣令種

素官之隙地令民來取種焉聞韶縣東有黃山山中
多桑木徇近列邑賴此以飼蚕端宗朝二年九月戶
曹啓請令各邑都會官取蚕種分授於諸邑使之養
蚕考其勤慢以為褒貶守令從之世祖朝命內苑桑
株分授諸司栽植於墻下及田畔其不用心培養以
致枯槁者罷之書筵官以蚕室與東宮近會講日地
隘不便請移之上曰蚕室重事故置諸近地且禮有
婦人蚕繅之文本欲中宮與世子嬪親見女功也

後苑開水田

世祖嘗於後苑開水田種稻令工繪畵命群臣製詩

領議政姜命卿應製云周家基業永流傳無逸豳風
掛眼前那似當今後苑裡為看民事早開田

豳風圖

中宗三十九年戶曹叅議李名珪奉使如京歸獻豳
風七月圖即元學士趙孟頫所畫大明學士宋濂所
序者也特賜法醞獎之

勸課詩

仁宗御製詩曰一家有兩婦巧拙百不敵拙者念其
拙一日織一尺巧者恃其巧百尺期一日理鬢學宮
粧好逐花間蝶逐蝶又折花長笑拙者織秋風一夕

至萬戶姑殺急拙者先裁衣歌舞堂前月巧者悔何
及天寒翠袖薄呵手泣機上夜寒易拋擲難將花共
蝶敵此風霜夕

命世子觀稼

孝宗四年命世子觀浚苑水田種禾耘穫亦如之俾
知稼穡艱難每誦聶夷中詩曰田家勤苦宛在目前
也

楮品

我國之楮宜於造紙然重且起毛不如倭楮之輕澤
精緻平時所印書冊今或有遺傳者多是倭楮造紙

極是可寶今漸絕無矣嘗聞祖宗朝旌取其種欲使
蕃殖今南方海濱注注有之而人不知廣植令列邑
皆種之而勸諭人民使之廣植可也

勸農節目

肅宗朝脩邊司勸農節目勸農一事既令都察主管
則都事申飭列邑使之着察舉行列邑各面各里中
擇其儒品之有風力者定為勸農有司之位以為課
督村民之地修治堤堰以為貯水蒙利之地事前已
分付當此民間飢餒之時雖難調發赴役其中如有
功可易就而民所樂從者自官家或給糧助役俾得

完等先使各邑守令巡審境內某某處可以修治形
止牒報各其面中必擇勤幹之人定為有司以責其
效至於等次之處每患過時亦定狀主趁早防塞其
有怠緩過時者當為論罪之意預先申明知委

移秧之弊

三十年上曰移秧之弊甚自中年雖嘗前付種之處
今皆移秧耕難禁斷而所謂移秧若不及時得雨則
未免全棄矣雖以今年觀之當初付種之處則頗勝
云三南失稔未必不由於移秧之故也此無可禁之
路乎右議政李濡曰自前朝家亦不無禁令而蓋移

秧之處有便否不同者灌溉處則自春耕治及時移
秧除草之勞既得減歇功力大省極為便好而至使
奉天苗則若值旱災之年終不得播種未免全然失
稔此實不可不禁者也自今以後更為定式灌溉外
使不得移秧事各別申飭宜矣上曰各別申飭可也

常平穀

李恒福啓曰我國定制各官皆有常平之穀以賑貧
民且有衙料以供其官經變以後穀物蕩然凶年饑
歲民無所食為官守者亦不能不食而治事隨時輕
重無端出賦於民以為衙供甚者取之無節今雖百

分籌度處置無由亦不可不為區處宜令該甯別為
事目就於稍稔之年令各官計其田結定限收祖漸
次積貯以為元數稍存耗穀稍添補然後徵米之
事一切禁革

耗三分二會錄

仁祖丙子亂後國穀告罄常平廳耗三分二會錄先
是延平府院君李貴劄曰我國壬辰前各邑還上大
邑則三十餘萬石中邑十萬餘石下邑成五六萬石
故成值飢饉兵興天使時皆以官穀貸民待秋成捧
入民生賴此保全今則公私儲蓄一向赤立凡有不

時之需皆無得賴於官家些少策應必責出於民間
祖宗朝各邑所儲還上必非神運鬼輸天降地出當
初必收聚民間積漸所致也公私府庫日就空虛今
後宜令戶曹量收米穀於田結逐年計儲以為常平
倉田規則其所以取之者乃所以與之也柳鑿遠曰
還上之法不可謂無益於人而其益甚微而其害甚
巨此與王安石青苗錢其害無異蘓軾論青苗法以
錢貸民出納之際吏緣為奸法不能禁錢入民手惟
良民不免非理費用及其還納惟富民不免違限如
此則鞭笞必用州縣多事矣又曰蓋還上利小害大

利短害長常平有利無害有便無弊還上之法雖曰
不無濟民之乏既前期此民後責其償則未免馭以
刑獄嚴督責納於是百里胥催驅邑閭驚擾之弊有
官出民入缺典高捧之弊有不問情願抑勒配給之
弊有已代徵隣族之弊有吏緣為奸詭受橫侵之弊
百弊斯興不可枚舉以至因繫滿囹圄鞭笞適境徒為
陷人之網而無復利民本意矣若夫常平豈不傷農
饑不傷民上下俱利公私無弊法之善者無過於此
史臣曰按常平歛散之法在於麗代而我朝仍之其
後名色滋繁不可殫記而耗之為言乃是雀鼠之耗

縮而取於民以補其縮之謂也每年取一斗五升
成歸公穀成作官用而取耗之制不載於大典始見
於續典然世宗朝減大立糴耗宣廟朝李恒福有稍
存耗穀之啓仁廟朝取常平耗三分二則還穀取耗
其來蓋久而初始之時文藉無攷

李之菑救活

宣祖三年嶺南大饑時有李之菑者世稱異人哀流
民饑衣乞食為作巨室以館之誨之以手業各用其
衣食而其中最無能者與之禾藁使作藁鞋藁其後
一日能成十對販之一日之工無不辦米斗推其利

以成其衣數月之間衣食俱足

三韓錢

李暉光曰按錢譜載三韓重寶東國通寶東國重寶海東通寶海東重寶朝鮮通寶共八樣云我東之有錢亦舊矣今朝鮮通寶尚存於世蓋國初所造也

楮貨說

李珣曰東土素是貧國而民間所用只米布而已更無通行之貨公私之積以此充困造貨之說在所不巳今之楮貨古之所謂鈔也易弊易昏故古亦難行不如銅錢之可傳久遠也且新造之貨當初必拂民

情非立嚴刑峻律則法必不行以今日事勢揆之則
楮貨之設恐難施行李暉光曰張太岳集曰洪武八
年始製大明寶鈔以系穰為質中圖錢貫之狀十串
為一貫准銅錢一千文銀一兩五串為五百文云云
今我國之楮貨蓋共制也法典云銅錢十文准楮貨
一張銅錢一千文准楮貨一百張是也楮貨亦曰楮
幣

常平通寶

仁祖十一年令常平廳鑄錢文曰常平通寶從戶曹
判書金起宗之言也尋罷之按仁廟朝始命鑄錢而

旂即不行者必是議論之多歧而亦緣兵戈之搶攘也金埴疏曰我國嘗欲用錢而不得行者以其欲盡用於國中故深僻之地咸不知其為便且鑄錢不見不得行也今若只行於兩西一路行旅絡繹之地則必可行矣臣竊聞戶曹尚多所鑄之錢請罄其所儲分送兩西而令餉臣以銀買錢於北京而繼之則千百萬貫之錢可以即致於西路矣松京則方用錢如中國若使海西效之閩西又效之則豈有難行之理哉行旅便其不齎糧店主喜其多得錢農民樂其不費米計莫善於此也

訓局鑄錢之始

孝宗二年禁麁布許用錢令訓鍊都監鑄錢下送西路以裕其用備局啓曰西路用錢之事已為行會而但錢文數少不敷於用欲下送銅錢即山鑄錢與戶曹判書元斗杓相訖則以為鑄錢不如買錢之易今聞漢人間我國用錢多載出來置於遼東此譯官相約其價云蓋其錢八十稱而一稱十七貫為一万七千文則八十稱將至百三十餘万文價銀一千六百兩云今此謝恩使之行入送其價方物四馬載錢以來則事甚便當可以僦用於兩西今戶曹付送價銀

若成不足則令常平聽助其三分之一使之貿來何
如荅曰如此為之則似為便好而但該曹物力方竭
千餘金似難卒辦先問于該曹處之可也

金堉請用錢

金堉曰崇禎九年奉使北京始見中原文物心甚喜
之欲事事模擬而不可得其中用車馬錢最便於民
甲申秋還自藩中上疏請用錢而朝廷不許丙戌出
守松都見市民用錢一如中華又上疏請先行於西
路又不許庚寅又往北京到平壤以西諮用錢之意
啓聞而去到北京以行資所餘買錢十五万文而來

回到義州開朝廷許之分置沿路各邑使用而猶未行之

錢制

柳馨遠曰錢惟權貨流行之物必鑄造精好然後可以行遠我國製造例皆麤惡往年設局鑄錢而其錢麤甚可笑咸曰本國土風與中國異宜雖欲行錢亦難以行此甚不然錢貝之不行非不可行是人不行耳苟上之人真知利害而決意行之勿促勿搖則期以數年如渠開水流自然興行國富民裕疲荒僻情竊之地而為華夏文物之師永万世之利矣又曰本

國則錢且不行而獨開城府近世始用之初以錢三十文準銀一錢其後以五十文又以七十文今則至百文蓋以國中不行而此一府用之前後所鑄咸聚於一府又上無所出納而市民私相貿易故也

錢弊之論

崔錫鼎劄曰近年害民之事錢弊是已我國數百年不行錢貨故鄉村之民皆以米布為貨春窮之時貸出米穀於他人至秋還償而每十斗併息以十五斗為式謂之長利出貸必以錢許貸設今春貸一兩之錢則以春市直二斗米論到秋以錢一兩五十文計

捧米穀而以秋市直五斗論併息為七斗五升視其本已過三倍年事登熟則又不啻幾倍甚者或春貸一兩而逐朔增息十文則秋後至於一兩六七十文又成債至新固不即出貸則急於連命以一兩倍息請貸則秋後二兩之直為十斗米或十斗六斗貧殘之民終歲力作竭其地之出以報公私債其餘幾何几子貸銀錢者以十分之二定式還償此則今古通行之規也以米穀貸償者十分之五固是通規今宜酌定錢貸出貸之規以十分之二為式春貸一兩者秋捧一兩二十文為永規為宜一自錢行之後富者益富

貧者益貧行錢未滿二十年而其弊日以益甚外方
之民皆望其革罷而今則公私行用已久其勢難於
遽罷唯當設為法禁改其貸錢取息之偏規則貧殘
之民庶有一分蘊息之幸矣此外行錢之弊如邑宰
之貪饕吏胥之受賂盜賊之竊於神、害民之端非
止一二今不能悉言矣

咸興鑄錢

英宗十八年以北路凶荒命咸興營下鑄錢端川以
南則雖不得不用錢吉州以北則兵火鎮漸近決不
可行雖一文如或有持入吉州以北者則即為杖間集

示自鑄錢為始各別嚴閑知委於古州以北各邑而
民或有犯者則守令即為拿勘

木綿之始

本朝李滉記文益漸碑閣曰當至正甲辰公將奉使
入元以公事謫于南荒其放還也道得本綿種子惟
利民是急冒禁齎米遂大蕃于一國万世永賴且以
東土之宜於木綿也自開闢以來不知幾千萬年而
天不能生其利地不能興其寶也直待公之一身竊
欲放還之際携畝於一床甫裝之餘而後乃始為種
土之產而阜民財足國用無不餘裕我國之於桑柘

雖僅有其種而絲織之需錦帛之華不及於民間也
則前此國俗通用之物不過曰氈裘葛麻之屬而已
也至是而因公識慮之遠而此物之布滿流行遂與
五穀共財同其功也非但三韓之億萬蒼生得免於
羸且凍而能使一國之衣冠文物煥然而一新也然
則我朝之正錫寵命非溢典也宜也

罷戶布

史臣曰國初之制雖未得其詳農朝戶布之歛既為
軍需我朝仍之而太宗教之以取民非法而仍命罷
之則放番收布以為養兵之資者必在於此後而文

籍無徵不得已闕疑

李公桑

安州民俗謂非土宜不知種桑宣祖丁亥李元翼為
牧使適令各坊播種桑椹自是舊植益續大興仍名
曰李公桑閑西沿江之民曰不識種木綿宣祖戊子
尹斗壽為方伯為具種子教以樹藝之法民始知糞
種之利大收其效

三十稅一之法

太宗十五年上曰前日予欲行三十稅一之法禮曹
判書鄭易以為不可此古者聖王之遺制也而易乃

不肯以此知宰相湏用讀書人

田分等

史臣曰謹按此乃世宗朝年分九等上下共稅之法
而至仁廟十二年三南帶田後分等上下之法遂罷
三南則自上之下至下之中結數無加減依分等收
稅其餘皆以下之下為定五道則只有下之下一等
而已宣祖十六年兵利啓曰祖宗朝以九等收稅設
法非不詳密而行之既久吏怠民頑每以結定為妄
譽之資今則以下之下為上之上而一園之田不給
災者無幾國用安得而不匱哉勢至於此雖守令之

賢者不敢不給災者以民生日困徭役多端若不解
俟懸而只以不給災為不負國則赤子无不能支為
今之計莫如改定負案使田役減其十分之七八然
後可量宜加稅以裕國用也不然則公私終無足用
之時矣

退溪納稅先於人

李滉告鄉凡調役征賦必先下戶而輸之未嘗有逋
稽里胥亦不知有達官家需出坐溪邊里夫來告曰
柏林之禁進賜戶當之滉笑而答之

三手米

宣祖二十六年設訓鍊都監三南海西關東五道始
收三手米每結二斗二升仁祖十二年命三南量田
減三手米每結一斗

詳定案跋

崔豈詳定晉州文案跋曰前此之時逐里逐年一八
結所辦以來率之其繁者餘七石寬者僅三石今則
逐里逐年一八結皆率四石一斗以下雖不能損寬
吾民之力而庶乎其均也如此猶且斗升有加終不
可均焉者則令其逐年稅米除遠納漕所而近輸倭
料如其加米多少以行其力而償其重則民亦祇均

矣

新起添稅之論

忠清監司金瑄啓曰民之無田苗者或歛耕食陳荒之地一入田案之中則賦役難堪以此不敢開墾今若別立事目帳付元田外新起陳地者作為一案起則收稅陳則免稅使之任意耕食則陳田大闢而稅入亦多案為兩便於公私

雜賦論

洪汝河曰以東國論之租最重庸次爭課稍輕雜色賦稅皆出於田而薪芻水炭又出於田是以租稅而

魚力役也故曰最重國中公私賤居十之五公賤納布於公家私賤納布於私室所謂庸也其弊巨而難革故曰次重烟戶所出只供官家尋常之役耳故曰稍輕成曰私賤之貢不入于國謂之庸可乎曰公家雖未獲利私賤已不可革所納之公私雖異其出於民則一也惡得不謂之庸唐制人一歲役二十日不役者有其庸而東國女子無其庸者士大夫及良民之家自由是規之我國之庸比租雖輕而比唐之庸則不啻十倍矣

內下金銀湯道

肅宗朝明陵誌文曰乙卯內下黃金一百六十兩銀一萬六百餘兩于地部命蠲閑地逋穀八萬餘石

閑地田稅之論

大司諫南九萬疏曰地閑各邑田稅本不輸納於京師年年加錄不還上究其本意不但以輸運為難宗欲足邊食也然自設邑以來每年添加其數至於不勝其多則以一邑民力其稅不可以糶糴以此至其積穀糧多之後則必多逋欠逋欠既多之後則必至蕩牒後古以來以至今日其蕩牒之數無有限極以此言之雖曰留置其案案之雖曰足食其案失之事

之無宗無過於此今若酌量兩兵營用度除出各邑
田稅優數劃給俾無不足之患而凡其從前聚歛於
軍兵名目使之一併革罷則在軍卒無剝心之苦在
兵營無闕用之憂在各邑無加賦之弊而邊上軍食
則即今會村元穀之外且有兩兵營劃給之餘私奴
婢身負之留其數亦不患其不多矣移無用為有用
兩便於公私計無愈於此者矣

養戶之弊

戶曹叅判李寅燁筵啓近來各邑養戶之弊固有紀
極蓋所謂養戶者邑底官屬者預受小面居民結卜

之價私自取食不納于官家大同田稅之未收告多
賦由於此而官家則不得不督責田主或未免疊徵
此弊不可不痛禁自今嚴立事目如有現露者守令
從重論罪犯者論以全家之律則庶乎必戢下詢大
臣而處之何如左叡政李世白曰非但邑底官屬為
然鄉中豪右之類亦莫不然勒奪小民結卜預受其
價自應其役多者至累十結而已受之價則食盡無
餘應納之稅還延推托糶糶之際亦輒如此以至年
久之後希覬蕩成故從前蕩威云者宗惠不及於小
民而反為此輩之幸名邑之多有積逋案由於此矣

此歛無邑無之不可不痛車曾與李寅燁相見亦有
所酬酢矣前頭還上收捧等事定式時此等條令更
為商確稟定事即啓下嚴明分付似當矣後之

灾政

閔鎮遠私訂曰每歲灾案分六等曰大豐曰稍稔曰
免函曰小歉曰中歉曰大歉大豐就元結案數盡收
其稅稍豐則元結內減十分之一免函則減十分之
二小歉則減十分之三中歉則減十分之四大歉則
減十分之五每歲秋成地部以各道農禾谷以見聞
就议廟堂以大豐以下六等定其等數行用各道須

布所減分數則各道監司以其所減分數分定別邑而別邑定宗各有差等就其中或減或增裁其涸涸不失朝家所定之結數而使宗惠及於民各邑又就各面之定宗而裁酌增損勿令書實干預其間只令各面有識士夫與里民從公論給定勿違宗差官只依結數捧稅而下之中下之上等名目刊去於田結文書中所謂人情襍費作役價裝載時各項襍費亦皆除去每結稅米三南則五斗他道則四斗五升永為定式裝載時各項襍費及上納時人情襍費作役價皆就元結中許減則外邑下吏貪緣弄奸之弊裝

載及上納時人情襍費難辦之弊自然革祛民心甚便而國無耗失矣

蟹災

全羅監司李光佐狀啓以臨陂等三邑畝穀慘被蟹損請給災廟堂以自前無蟹損給災之例仰稟上曰非但今年為然而蟹損尤甚處自當入全災中不必別為名目矣

田政論

金昌集廷啓田政上関經費之盈縮下係生民之利病而改量既久田形累變昔之起蟹者今多為陳疇

之陳荒者今多耕食故以量付宗結難以出役給災之際虛宗易蒙或以宗為災或以災為宗此固災年莫大之弊守令之審定鹽司之更審不能逐處親檢雖敬差官之行亦難周視故每以前宗結比諸令括數如有不足者必使之準前結數而後已且該曹深慮宗結之減縮雖當各穀俱歉之時給災各目不過成川浦落等處而已故為守令者既不得災則難於白地徵稅如初不付種者或以成川懸頃如全不掛鐘者或以浦落懸頃初欲只減當年之稅而一經磨勘之後則仍為永頃故宗結之年年減縮蓋多由此

李健命曰狀啓中比年之規常前上已行之矣第朝
家劃結給定之後道臣擅自加給則比年典劃給災
結其意一般今雖依此分付諸道之心能遵行而未
知也且年分事目既已頒下則此狀啓更無可施之
勢而其中成川浦落便為永順宗結之減編寄由於
此者是矣若別明覈雖給定之處成川浦落則勿為
過濫之意更為嚴飭宜矣答曰成川浦落懸頃事各
別申飭可也

劃結終歸私庫之弊

英宗三年戶判李台佐延啓挽近以來守令風習大

愛磨勘之餘結約已愛民之類皆給大同災此雖便
民係是犯禁其中不能廉簡者餘結一体磨鍊混入
於田結大同直捧私庫終歸私用近來則紀綱解弛
尤無畏戢之事餘結直以錢文捧之凶年則一結價
至七八兩豐年則五六兩直自賣用彼行此效習以
為常世安有賣田結之守令乎民不蒙惠徒自肥已
決非士夫所為聞湖南湘西甚京畿亦然云此則
別為節目頒布三南尚顯暗行時慮問添入此條隨
現重寃好笑上曰隱用私結本在私補永封書中矣
餘結私用之罪其律如何台佐曰十結以上為禁錮

矣上曰賣結重於隱結勿論多寡以賦律用之可也

始置市廛

定宗元年始置市廛左右行廊八百餘間自惠政橋至手昌德宮門口聚外方游手僧徒給糧役之仍使開川都監掌其事

商賈首領

宣祖三十三年李恒福劄曰庶民之中富商大賈為之頭首而因亂散處隨時占利以爲富足而不思曰居上多有之我國之規如遇緩急凡所責辦專靠於市民市民於公家所困如此而市肆空虛上非細慮

此皆無知下人非可以教諭而自來今宜行移外方
京商之散處其地者一一摘發使還曰業守令如有
慢不舉行者令平市署籍名尋問先治守令且奸民
之亂市而不係市籍者亦令平市署求定市役則庶
市民均役而市肆完宗

市弊之論

大抵市弊有四為各軍門軍卒有勢家豪奴之亂廛
一也宮房上司軍門私貿易一也諸上司閹內各司
直捧廿一也京兆勅令廛人捉納亂廛一也亂廛則
嚴飭京兆各別禁斷私貿易則四宮三房進排外皆

令給價買用直捧廿則分付平市一切勿施至於京
兆之勒令墾人捉納亂墾只為徵贖殊極寒心即為
革罷而若無科禁難以遵行故以罪官貪治吏隸之
意逐條嚴斷

訓局軍全減市役

命訓局軍兵京居為市業者全減市役尋恒福啓曰
國家凡有時急取辦一一分徵於市肆名曰貿易而
案不給價名雖交易其案歛之天將在城猶踵此弊
各衙門徵責名目日如牛尾而都監之官皆責於市
民數年侵擾有難悉記今天兵已撤國葬垂軍宜令

戶曹自今非不得已時需難以取辦於外方者外一切勿行公買雖有所買勿得待後給價劃即準給其價且令平市署凡所出役之事務令寬平勿得如前特責以示朝廷別優恤之意

中江開市之始

中江開市順治丙戌定以三月十五日九月十五日二次交易丁亥春市差官等將衙門文書要買馬一百五十匹本國以馬非土產而兵革之後加以疫癘駟郵雖繼不得應副咨會戶部其冬戶部又以為三月則春耕方張九月則秋收亦殷於民甚覺未便設

改於二月八月聽民照例貿易奉旨咨會時雖迫於
咨請聽施其實牛而但令以官辦牛鹽照例換買而
已并不許私商隨漲其後本國禁令漸弛而私商漸
隨名之曰中江後市康熙庚午間遼鳳車戶十二人
稱曰攔頭我行人往來卜物權其車腳價倍增而
攔頭等益饒於財乃共閔東貧吏締結為利自願納
稅於瀋庫多輸貨物又專其後市之利而又於便行
出入柵時灣上及松鄰商人等潛持銀卷混在夫馬
之後中販物牟利始而漸繁終至於蔽還車脚故令
遲遲而先送使臣出柵無所憚聲然後任情買賣而

歸是則名之曰柵門後市

北開開市

崇德間寧古塔烏喇兩處人持戶部索文來買農牛
農器食鹽是為會寧開市後以為例逐年開市子寅
辰午申戌年謂之半開市丑卯巳未酉亥年謂之雙
開市北京禮部有沁送頭戶咨文畢市後我國有完
市咨文咨市牛一百十四首犂二千六百箇釜五十
五坐即咨市定數也待差官到來差使負同地方官
并北客館監市其後若丘賴達湖戶人來易牛犂釜
扣慶源是為慶源開市後以為例慶源則間年開市

完市洛文如會寧市以市牛五十首犂四十六箇釜
五十五坐即以市定數也待差官整市與會市同順
治間會寧慶源交易來人至五百九十四馬牛駝一
千一百四十四箇糧供億民不能堪咨請定式禮部
回咨寧古塔及厚春慶源交易人馬元無定數厚春
難交易處所止隔一河早進交易晚可回還相應不
叙外寧古塔人三百二十名馬牛駝六百四十一匹隻
定數領注章京一員跟役五馬十五分撥軍一員跟
役三馬十筆貼式一員跟役二馬七交易牛隻犂鐮
鹽釜等項預先辦備不滿二十日回還咨行朝鮮國

及寧古塔總管以為定式

會寧開市

孝宗二年南九萬疏曰伏見會寧府開市前濬狀本
凡其發賣之際恐喝驅迫無所不至而悍然有挺刃
相加之勢此宗國家莫大之憂也臣聞當初開市惟
使六鎮諸邑供其需索而年增歲加轉及近南之邑
今則安邊等邑亦皆般運陸輸而每患不足其勢必
至於竭一國之力以為填壑之資雖曰此事本出於
大不獲已然而豈可直付之無可奈何而不以為意
也臣聞朝廷重臣之素有入望者寄以鎖鑰之任而

更選幕佐如古評事使之補繫起廢經理依倣以為
折衝之策又以本道窮匱之狀注告于北京委曲其
辭善為開陳請減發賣物件定為恒式而更勅邊臣
嚴立約束以杜日後無窮之弊漸為

倭館開市

世宗二十五年倭寇濟州為邊將所敗歸朝廷遣使
責問對馬島馬島傳獻首亂者以功歲許五十艘來
市事畢則還因緣留居漸至滋繁命島主劄還成宗
朝以日本書契使臣私有所獻責以人臣無私要拒
不許其後別幅內始稱賣物未幾又稱商物朝廷又

許貿

館市事例

館市事例每月三日之三日八日商賈等受牌於東
萊府持物貨詣守門則訓導別差及收稅官開市監
官眼同檢驗置簿入送而訓別仍為入坐大廳則諸
商就前跪拜然後各以其貨以次交易盡情論定而
一時并退持出倭貨亦皆置簿到歲不出入相準報
戶曹史臣曰倭館開市之初倭貨自本國流通於萊
府其倭交販故市利頗盛近世以來倭國自長崎島
通貨於南京之後所謂館市只存其名所販者不過

朝夕所需鹽菜之類而已

謁聖之始

太宗庚辰十一月上即位于松京詣學謁聖仍命胄子就學五年上幸學謁聖十季良文廟碑曰庚辰十一月殿下即位于松京詣學謁聖歲己酉還都親奠于先聖先師

親策

世宗親策得十三人徐居正居第三上曰古有座主門生之号今是科予親策之予當為恩門宜号是殿為恩殿唐宋奏事皆用劄子居正之長憲府也始建

叙立劄子之法蓋惧言辭出納之際有遺失且防後世近侍中官用事之漸

大射

成宗八年八月上詣成均館親釋奠于文宣王仍御射壇酒三遍行大射禮環橋門觀聽者數千餘人禮畢頒教于諸道令刊邑行飲射禮

曉諸生文

趙翼太學曉諸生文曰夫得天地之秀氣為人其性之善共堯舜不異而又幸不為民庶而為士大夫之族又幸不為他業而受書為儒士苟能希聖希賢皆

可為聖賢豈可但為庸衆人而止之哉雖不能到聖
賢地位亦當為有知識有行義之人也且聖賢之為
聖賢未必皆生知舉時由學而至也今亦為聖賢所
為之學用功如聖賢則何乃不得到聖賢所到之地
位乎今之為士者未有聞乎心如此用功如此者也
此豈其資品特凡卑也誠由聖賢之學不明於世而
詞章科舉之習成俗已久世之為士者自始執卷其
心只欲善作得科第為貴顯之人而已不復知有聖
賢學術舉世同然父兄之所教我目目之所聞見只
是如此以是雖有高才美質特囿於俗習未能自脫

其平生心志事業不過如此所謂聖賢者宜人之所
不可及哉此吾人一生大事業而其入門處必自近
思錄始俗語云行千里一步為初此書於聖賢事業
誠千里一步也或謂此書妨於科業此大不然誠能
於此用功之深則義理日見通透文字亦當暢達瞻
足其於科文可俯而就之而其所作必能詳達理勝
詎論皆有本令人刮目然則此案於科場豈有所妨
乎

焚佛像

仁粹大妃造佛像送于淨業院儒生李麗等取而焚

之大妃請治李麗之罪上曰儒生闕佛可賞而不可
罪况自內間之而命推儒生非人君之政也終不奉
教

儒學提調

太宗六年置儒學提調時初置十學儒學其一也從
左政丞河崙設也

扁額

文廟之額曰大成殿韓滉筆也大司成閔鼎重書模
印而跋其後曰進善趙涑精於筆法嘗曰聖廟殿額
華使見之謂古無其比余以為若方古人義之能為

獻之不能為又曰韓滉寫此時一字易數十紙至今
餘本有見藏者云明倫堂額二其一朱子筆也模得
於中國而翻刻云其一天使朱之藩禹曆丙午奉使
東來而書揭為之藩以筆名於天下云啓聖祠額四
賢祠額吳宗御筆也玉闌堂額文正公宋時烈所書
也

幘衫

成宗八年輪對官白勛請令館學儒生以青襟團領
行于街路領經筵金國光曰先朝嘗欲行此而未果
今使儒生異服則居館者必少矣上曰儒生而恥儒

學是師學聖人之道也知經筵李克培曰若使戴笠
而服青襟必易從也上可之宣祖朝趙憲以質正官
朝京見幘衫之制歸上封事請行之二十二年八月
始以幘衫定為太學生之服先是儒臣尹鳳九嘗獻
劄曰臣嘗聞諸先師先正臣權尚夏云朱子嘗以幘
衫與先聖之深衣并刊於三加之服固可為儒士之
盛服況我大明高皇帝掃除胡陋之初以幘衫定為
太學生之服在我宗周之道尤豈非致意者耶此當
日大學之疏請而顯廟之許服者也今若行之尊周
之義案在於此善繼之道亦在於此矣至是上聞安

東鄉校有曰藏幘衫軟巾條帶命取來親覽仍倣其
制裁成一件賜成均館藏之六一閣又模畫頒示于
八道及丁卯三月司馬唱名之日諸進士始服其服
而應榜上親臨視之仍命永為定式

進士服

先是上欲復中朝進士科幘頭幘衫戴蓮花間喜宴
等制然幘衫未知其式廷臣有言故吏曹叅判金玘
當神宗皇帝時奉使朝天皇帝宣賜幘頭幘衫及大
學衍義一部玘歸以中衫藏之安東學舍衍義亦有
御寶真蹟令兵曹正郎權萬云命政院移閑嶺營書

興衣冠使興功之後領來至是爲興功之孫弘運領
至時上弗豫強起盥栉衣服冠而坐召見二人曰待
鄒魯之士不宜效漢高箕踞況皇朝舊物尤宜尊敬
予遂命賜之三經於是幘頭幘衫得其式生進衣冠
志復明制

序齒

顯宗四年因大司成閔昇重之言始行太學生序齒
之制先是中宗朝癸卯嶺南儒生裴紳李齊臣遊太
學倡義曰首善之地何可使長幼無序宜以齒序坐
遂行於東西下齋又欲推而行諸上舍人多不說於

是諸生質于師長大司成李浚慶司成宋世珩皆以
為是獨知成均成世昌非之曰孔門亦有齒座否進
士洪仁祐曰二三子言志曾點最後對朱子曰以齒
則點當次對此非孔門之尚齒乎世昌猶不以為然
其法乃不行宣祖朝甲戌大學生復為行之李海壽
謂先正臣李珥曰榜次之坐尊敬壯元是亦禮俗也
齒者非大學之所宜也珥曰壯元之尊施于榜會可
大學明倫之地不可王世子入學尚以齒坐况壯元
豈若王世子之尊乎海壽默然然是法未幾亦廢及
孝宗朝戊戌諸生各以朋黨名色分坐於食堂於是

完南府院君李厚源請從李珣之議為序齒之制上
將行之而諸大臣難之事竟寢至是昇重始建議行
之焉

齋薦

舊例一年兩都目前一日齋任齊會圈點點多者三
人書單子呈于吏曹齋任有故則自本館報吏曹史
臣曰謹按齋薦法載於學令而成宗二年命本館別
薦賢士自是薦法益重文獻公鄭汝昌文正公趙光
祖文康公徐敬德館薦中最著而至宣祖朝戊辰趙
穆亦以館薦拜官云

捲堂

凡館空則本館堂上會于明倫堂東挾室郎廳會于直房分入東西齋仍為守齋堂上以空館辭意草記掌務官進呈政院批下後堂郎出去招諸生宣諭諸生并四拜跪坐退書空館之由使守僕進告堂上知館事同知館事則直啓泮長論報禮曹令禮官勸入則本館堂郎一時出去與禮官拜禮招諸生宣諭如初承命入齋則禮官與本館堂上書呈罷出草記不為奉承則禮官因為啓辭文純公李滉曰空館之規未知始自何時以見於史者觀之恐始於宋時捲堂

庭揖

成均館舊例每年節日試製儒生政府館閣堂上齊會皆踞椅子諸生入庭行拜故相臣盧守慎為知館事以為拜下乃臣見君之禮也今宜令儒生行揖諸宰下椅子受之以示優禮待士之意左右皆曰可至今遂成定規宣祖朝監司禹休龍嘗遊上舍時三公宰六卿入太學試諸生諸生列拜於庭下休龍獨揖而不拜禮官名責之休龍對曰非君臨之禮諸生不當拜庭下自世祖為相時始行此禮其後文正公趙光祖以為非禮罷之及南家為相怒諸生謗已遂復

其拜小儒未達其宜不敢拜諸公皆稱善定為揖禮
此事與盧守慎所議定者相類茲附錄焉

四學

太宗十一年始置學堂從儀禮詳定所提學許稹之
言也後又改置四部學謹按四學之說始此而獨北
部之學其初廢年代無以詳焉按國朝實鑑世宗九
年以魚脂賜五部學則其時尚有北學而文宗行狀
曰賜奴婢于四部學則五學已變而為四矣是以大
典及輿地勝覽只錄四學而北學不載焉及顯朝西
尼院之毀撤也贊善宋浚吉白上曰聞尼院是北學

舊基云宜以其材復建北學上從之以南九萬為北學教授董其役歲歉不克成

戊午史禍

燕山戊午七月十七日傳旨曰金宗直草莽賤士成宗擢置經筵恩寵極矣今其弟子金駟孫史草內以不道之言誣錄先王朝事又載其師宗直弔義帝文以祖龍比世廟以義帝比魯山駟孫贊其文曰以竊忠憤其議刑名以啓柳子光府尹規之孽也趨捷多力善緣高如猿猴上疏自薦世祖壯其為人擢用之又以戊子告變功受勲封尋流東萊放還見李克墩

當朝秉權便傾身附之常遊咸陽作詩鏤板而懸之
及金宗直守是邑曰何物子光乃爾懸板耶子光切
齒金駟孫又疏論克墩克墩大怒及聞史局克墩為
堂上見駟孫史草欲因此報怨語摠裁宦魚世謙世
謙不答久之乃謀於子光子光攘臂曰此豈可疑之
事乎王又猜暴尤惡文士命於南賓廳鞠囚令內豎
金子獠掌出納子光以獄事自任為一網打盡之計
是日雨下如注大風拔木飛沙

三次士禍

明宗乙巳鄭順朋李芭林百齡許磁上變告尹任柳

灌柳仁淑賜死丁未副提學鄭彥慤及李櫓同啓良
才驛壁書其書曰女主執政姦臣李芑等弄權國之
將亡可立而待成獄宋隣壽李若冰賜死李彥迪安
置己酉李洪男上變告其弟洪胤與術士裴光義謀
不軌其辭連及皆坐死忠州一面幾空

市井歌

燕山王流喬桐市井歌曰忠誠詐謀乎舉動喬桐乎
興清運平置之何處乃向荆棘底歸乎燕山朝官人
紗帽皆帖忠誠字詐謀與紗帽同音也妓樂陞補梨
園名曰運平經御幸謂之興清

大耄生男

沈聽天守慶七十五生男八十一又生男詩曰七五
生男世固稀如何八十又生兒從知造物真多事饒
此衰翁任所為

祠院之始

中宗三十六年豐基郡守周世鵬因文成公安裕舊
基建祠宇享以春秋名曰白雲書院院左右有序聚
凡民俊秀者而講習學問儲穀取贏以供廩餘賀經
史以備講讀明宗庚戌文純公李滉繼莅本郡以為
教不由上則後必墜廢以書遺監司請轉聞于上而

依宋朝白鹿洞故事賜額頒書兼給土田臧獲俾學
子進修監司沈通源從其言啓聞賜額曰紹修書院
命大提學申光漢作記仍頒四書五經性理大全等
書

祠院額號

凡祠院額號藝文館撰定備三望入啓受點後令善
寫人書寫下本道懸板禮曹佐郎往宣額號宣額致
祭時祭官以道內守令差定若御筆賜額號則懸板
令京刻手摹板而真本則奉安於本院近侍陪進而
儀仗鼓吹前導祠院修改時位版還移安祭自本官

擇日設行

書院之論

李滉曰夫自王宮國都以及列郡莫不有學顧何所
取於書院而中國之所尚如彼何哉隱居求志之士
講道肄業之倫率多厭世之輩競抱負墳策思遁於
寬閑之野寂寞之濱以歌詠先王之道以畜其德以
熟其仁以是為樂故樂就於書院其視國學鄉校在
朝市城郭之中前有學令之拘碍後有異物之遷奪
其功效豈可同日而語哉由是言之非惟士之為學
得力於書院國家之得賢者必於此優於彼也又曰

自宋朝四書院之後漸盛於南渡而大盛於元明之
世國家學校不若書院之可專於尊賢講道之美意
故或因私立而寵命之或因命之而擇人教養也

旌閭

旌門褒勸古之典也中國於孝子則曰民人某孝行
之門本國則曰孝子某之門中國於節婦則曰故民
某妻某氏貞節之門所謂貞節者謂夫死守節終身
者也至於烈婦特異之行則曰故某之妻某氏貞烈
之門本國只旌曰烈女某氏之門盖本國婦人皆能
守節必待特異然後旌門故無貞節貞烈之分然其

文則宜效中國而改之可也

中樞府之制

李晬光曰我國中樞府乃宰相置散之地卽宋之樞密使也其位任亦尊矣今則醫譯微賤之輩皆以賞職除授宰相罕得為之名器屑越甚矣肅宗十一年左叅贊申晷白于上曰大臣遞職例付西樞而循次遞降故卽今原任大臣閔昇重李尚真皆付知事是二品而醫譯雜類皆得為之固非所以處大臣祿俸亦因以降待大臣之道不當如是左議政南九萬曰領教寧本是一窠而有兩國舅則亦加設以此言之

則領中樞宜加設以處大臣而大臣非止一二人加
出領中樞四五窠亦似太多隨其送西多少加設判
樞而使之得受正一品祿為宜從之大典通編大臣
外母得付領事未經冢宰宗伯司馬之人母得付判
事老職資憲無論文蔭武未經四品實職人勿付知
事

罷外戚封君

太宗九年上嘗論漢唐以後外戚用事之弊曰使外
戚通籍宮中出入無防非人君長遠之計宜當制之
於未萌外戚封君始於象山君繼權閔氏亦皆封君

是非古法也又謂禮曹判書李膺曰后妃之族非古制也卿宜考歷代之制以進於是悉罷外戚封君者

以駙馬拜官

太宗朝駙馬清平府院君李伯剛別加大匡賜几杖坡平君尹巖知義禁府事世宗朝駙馬鈴川府院君尹師路以領中樞兼吏曹判書又拜贊成世祖朝駙馬河城府院君鄭顯祖以特命赴舉登文科

忠勲府之制

太祖開國功臣次第論功行賞立碑紀功建閣圖形嫡長世襲不失其祿宥及永世載諸信書以賜之信

任以事無所疑貳或於無閑之暇數於宴饗功臣等亦數享上歡洽之情上下無間雖有罪必曲原之終上之世功臣無一抵罪者權擘記曰有功於國者旣以金帛賞之爵祿酬之記功於太常銘勲於昇鍾矣猶以爲未也而慮有闕典則又爲之置官府以掌其事我太祖秉錄應圖化家爲國其元功偉績輝映簡策旣丹書鐵券藏之盟府設忠勲司以主之者蓋重之也太宗再定內難弘濟艱難者論其定社佐命之功則亦無讓於前人爲我殿下奮赤手除姦兇復正皇極寔英謀之獨運而其忘身殉國聘志效力有尺

寸之勞者咸錄而不遺焉及乎龍飛九五其攀鱗附翼密裨鴻圖與有微勞者亦不遺焉於是又特陞忠勲司為府班視兩府加賜田結奴婢以舊解隘陋賜宗簿寺公解一區又命因其基而重新之

錄勲

宣祖三十五年相臣李恒福劄曰謹按本府謄錄錄勲條大臣齊會賓廳第第磨鍊入啓云云故前日光國平難兩功臣磨勘時臣或得恭着主斷專在大臣詢問或及元勲元勲之中或有疾病事故不必一齊恭會而未聞其日以缺員撤議不成會者平難功次

惟元勲乃能明知非他人所能臆斷者而獨且如是
至於征倭之事雖無元勲尚可勘定何獨於此必待
備員設令臣身乍逐在外或病在床席則其不可以
一人之故徐待後日明矣况扈駕羣臣各有官守已
成簿籍功勞輕重非惟衆目所覩抑且聖鑒所燭雖
在元功豈有別見一人無故足備論列宜宜等待致
稽大事宣武功臣初與扈聖合錄旋因言官言分錄
為兩勲三十七年以丙申討平湖西賊李夢鶴策靖
亂功臣寧原君洪可臣等五人仁祖元年以及正功
策定社功臣金瑬李貴等十九人二年李适舉兵反

上幸公州都元師張晚鄭忠信南以興等討平之策
振武功臣張晚等三十二人五年橫城賊李仁居叛
原州牧洪竇討平之策昭武功臣洪竇等六人六年
柳孝立鄭沁等謀叛許禰上變諸賊悉伏誅策寧社
功臣許禰等十一人二十二年沈器遠權億等謀逆
黃憲李元老等上變諸賊悉伏誅策寧國功臣具仁
奎等四人肅宗七年柁楨吳挺昌許堅謀逆申範華
李元成上變諸賊悉伏誅策保社功臣金錫胄等五
人英宗四年朴弼夢李麟佐等舉兵命吳命恒討平
之策揚武功臣吳命恒等十四人

義禁府

許筠曰義禁府古執金吾也在麗朝為巡軍府置上副萬戶專掌禁衛親軍初置獄以囚禁中犯軍令者中年國王親決其囚朝官忤上旨者或直囚之蓋其時士大夫勿計高下犯罪則急詣臺獄而王獄詔獄也逮末葉遂為縉紳之獄一命以上皆就之國初因之旋改義勇巡禁事司置判知同知四員郎官雜用文武而統禁旅亦自若焉厥後改為義禁府罷兵柄以王獄決因為務而大駕行幸時及內外禁濫處郎官率皂隸察詞非常而已

罷銓郎薦法

仁祖七年罷吏曹郎薦法上以銓曹弊風皆由郎官之專權命罷薦法以公正人擇擬銓曹難於猝變舊規以前薦中李昭漢趙綱羅萬甲擬望上怒特罷郎廳職於是銓曹以不預薦者崔惠吉尹祭為吏曹佐郎

禮曹之重

宋時烈封事曰程子曰人謂禮官為閑官臣謂禮官之責最大朝廷一有違禮則禮官皆任其責殿下頃日擺脫前例時以金集為禮官實度越百王之高識

也不意俗論使集不安至於固辭而殿下終亦遞之
雖以聖學之高明猶被俗論之沮撓可勝惜哉殿下
既召金集身既不列於禮官所論諸說又不見施真
朱子所謂我朝只有程頤而猶不能用者也

兼兵曹

肅宗十年上曰相臣金錫胄兼判兵曹事而欲使進
叅政席問議大臣領議政金壽恒右議政南九萬以
為仁祖朝右議政沈悅兼戶判劄中有之申叔舟之
禮部朴淳之兵部柳成龍之吏部皆有實判書而大
臣則兼摠察而已人物進退典禮軍政本曹堂上進

來詢問云云臣等之意除閑漫差除外重任緊竄皆
令問議而差除則其為主用舍之權無間於身叅政
席矣從之

漢城府之重

肅宗五年左尹南九萬疏曰設官分職之義卽西漢
左右內史京兆尹之任也武帝時以左內史界部中
多貴人使汲黯治之宣帝時京兆尹趙廣漢入丞相
府下立丞相夫人於庭下問其罪責任風力之重為
如何哉此則雖難取法於今日而取考大典則漢城
府掌京都四山闔閭等事有犯禁越法者必須勿論

貴賤一遵律令始可以服人心而清輦轂

喉院之緊

承政院為喉舌之地其任極要近故國朝重之堂上官自吏曹大諫僅得為之如朴元宗為承旨以年少遞為兵曹叅議中葉以後望在三司之下武臣承旨宣廟朝南彦純梁士瑩為之其後甚罕至近日復以年少有名望者除拜前後甚多云承政院出納王命其任最重拜承旨者望若神仙俗謂之銀臺學士先是宮門罷漏而開人定而閉承旨等四更詣闕夜深還家睿宗命宮門平明而開乘昏而閉人皆安之先

是承旨只一人入直世祖朝李皓然入直醉卧世祖
下問皓然不能起自是二人入直孝宗四年領府事
李敬輿上劄曰銀臺之任卽古之門下府封駁之責
所係實非細唐太宗嘗勅門下曰事有不便皆執奏
若但奉行文書則誰不爲之申明舊制政教之不允
於公議者許令封還封駁使之救過於未著之前不
至駁四方之觀聽政院啓辭毋謏朝報以存八告順
外之意

堂后

權迤曰堂後位卑而職重且繁上自郊邱宗社下至

百神之祀凡大小與祭官皆堂后自擇公卿大夫至
於士之告身皆堂后自署宮門之守直者亦必堂后
往監之其職不既重矣乎抑有甚焉者公卿之當與
祭者或辭以故士大夫或還其牒祭或有闕職風憲
從以議其罪唯堂后是責位又卑人易狎而侮之以
一人易狎之士任一國真重之責吁其難矣肅宗二
年兵曹判書金錫胄筵白曰我國史官記事只憑政
院日錄故如軍制刑獄凡係軍國重事皆不記載至
於設科取士國之大事而亦不載錄修史時無所考
據草率甚矣請自今令六部及他司有魚春秋員者

一一抄錄其司大段公事可為後考者月終送于政院又使金吾郎及備局文郎一如六部諸司兼春秋者之例從之

武承旨

許筠曰承旨祖宗朝必以武臣一人忝之以為他日大用之地自中業以後絕無之且南行承旨亦甚少鄭寒岡則以禮房承旨為殿試考官人以為異事孝宗五年憲府啓曰銀臺為職近密武臣之膺是選者國朝以來絕無而僅有今此柳赫然雖曰稍有才望而特除承旨之命出於格外請還叔令廟堂議處備

局以武臣之除拜銀臺者亦有前例則以赫然之才
望似無不可而今者臺論以格外特除為未安臣等
不敢容議

臺閣題名記

徐居正題名記曰周禮記御史之名漢置御史大夫
位亞丞相副曰中丞屬有御史稱其臺曰御史或曰
蘭臺又與尚書謁者為三臺唐復御史臺或曰憲臺
或曰肅政臺宋沿唐制御史臺其屬有三院曰臺院
曰殿院曰察院元亦有御史臺皇明置都察院有左
右都御史左右副都御史左右僉都御史諸路監察

御史嗚呼御史之職歷代重之其任重其責大其憂
亦深何者御史得人則君有過舉批龍鱗抗雷霆蹈
斧鉞而不辭將相大臣有愆違得以繩糾之宗戚貴
近有驕悍得以彈擊之小人在朝必欲去之貪墨在
官必欲屏之舉直錯枉激濁揚清正色立朝百僚震
懾其責任豈不重且大乎祖宗以來重臺憲耳目之
選養慷慨敢言之氣膺是選者孰不欲礪名節副
德意乎

茶時廳

徐居正齋坐廳記曰府之廳事有二曰茶時曰齋坐

茶時者取茶禮之義高麗及國初臺官只任言責不治庶務日一會設茶而罷國家制度漸備臺官亦兼聽斷莅事惟繁遂為常仕之所然非正衙也齊坐廳者諏日大會講大禮議大事其齊坐之儀出入迎送進退拜揖節目詳嚴非他司會遇之禮之比又採撫臺中故事而兼用之禮雖繁然上下之間隱然有警戒之意

兩司互相查勘

崔鳴吉曰祖宗朝臺諫被推兩司互相查勘苟稱其職不許輕違可知避嫌非祖宗朝舊制也成宗朝大

司憲梁誠之在職九年可見國家之元氣厚也宣祖
朝避嫌不至煩數猶為近古及昏朝末年臺諫頻遭
難處之事或稱常服出入或稱犯馬宰臣以為巧避
之計謬習一開至今猶存云

憲府坐起

大司憲孟思誠持平朴安臣鞠平壤君趙大臨不啓
而拷訊之上大怒載二人于車將戮之安臣謂羅卒
曰汝取尾尾來卒不聽公瞋目叱之卒遂取尾尾給
之公作詩畫而書之曰角職不供甘受死恐君留殺
諫臣名付卒曰速往啓卒不得已呈于闕時獨谷為

左相詣闕極諫竟不誅

都憲之重

閔昂重自釋褐歷散清顯未嘗為例讓必辭計及拜
大司憲力辭不出或問其故荅曰都憲責任極重望
實自別雖以前輩言之如樂靜叔始可當之如吾輩
何可冒居匪據云樂靜即叅判趙錫胤之號而於昂
重為姑夫也

司諫院初隸政院

司諫院國初隸于丞政院有左右司諫左右司議而
堂上則加大夫二字而獻納正言亦各二員分六房

更日八番凡諸司各道各事之降必故諫院有未便者駁還之事無不舉行云

諫官兼經歷

太宗九年知司諫院事韓尚德奏曰命令之出政府丞行臣等雖或有聞事已施行前日請屬諫官于政府以此也上問故事黃喜曰國初李文和尹思脩皆以諫官兼經歷上曰此非義法經歷雖重任屬宰相屬吏君上之動靜政令之得失皆得規正者諫官也以諫官兼經歷非所以尊朝廷重諫官也

臺諫數違之弊

又劄曰今日政事之頻煩皆由於臺諫之數遽臺諫之數遽亦由於小嫌之皆避朝遷久改誠可恠也臣聞祖宗朝臺諫雖有推考亦不避遽使兩司互相發緘云可知避嫌本非祖宗之制也且或偶感微疾若有難便爭相引告如或不及尤為未安且古之言官各自論事故人人得盡其所見今之臺諫凡有啓辯下吏持簡通奔走必待歸一然後啓之以此動被拘礙不敢盡言一有違誤闕端紛起朝著之不靖職此之由今宜悉倣舊制勿為避嫌勿為呈告凡有所懷各自陳啓惟大段舉措朝議僉同者方為合啓則讜

言日聞而且無紛擾之患矣

臺嫌

又曰今之臺諫論一細事必求僉同一有不合避嫌蜂起使人不得守其所見甚無謂也且臺臣或有前任時推考亦勿引避但若憲府之官則不叅於查勘之坐方為合宜自今以後設計巧避者及真有過犯引避自首者隨其情犯輕重或出補邊任或罷其職名勿以臺諫而有所容貸可也唯不得不避嫌者有二焉或上有峻敎或被人顯斥則陳情求退以俟公議固不可已而公議既許其出則不必再避亦有自

下請適而君上特命勿適者則尤宜感激恩遇益勉
言責而今則不然諉以三司公論必適乃已是則人
主進退之柄反為羣下所奪甚為不當此弊亦不可
不革也且玉堂有陳劄之舉則先發簡通必待同僚
齊會相議處之而兩司則不待開坐自其家先具啓
草簡通在家同僚歸一於一日之內同僚或不在家
則書吏持簡通遍行都內以求之以此凡有新啓例
致日晚而同僚見其簡通雖有不如意者急於入啓
如非緊要之事則不得不曲意從之諫官事體亦不
當如是

臺體

孝宗二年正言閔鼎重啓曰臺諫體面甚重異於他司剖局卽廳備邊司堂上不得兼帶古規也近來不為改差及適臺諫則仍復察任國家待臺諫之道不宜如是仍存古規為宜大臣曰他司提調尚且仍帶則備局之任不必改差上從之

臺諫與宰相相輕重

四年領中樞李敬輿劄曰臺諫之任與宰相相輕重昔宋太祖以傅克俞為御史中丞九年不遷及卒歎人無可繼虛位者久竊觀近日臺府之逆視同常調

通易之煩鮮有數月莅事者欲望恢公論振頽綱不
已難乎詢咨相臣博訪在廷極選一時端方正直之
士畀以三司之長次官以下亦皆其難其慎其久其
專一法宋祖則責任既專人亦自礪矣

臺諫為將臣

九年大司諫尹趾完拜御營大將備局以既授介冑
之任不當仍帶言議之職啓違大司諫十二年御營
大將徐文重為臺諫廟堂又請許違言職

李之蕒上疏

宣祖七年抱川縣監李之蕒應旨上疏論用人必當

其才有曰海東青天下之良鷹也使之司晨則曾老
雞之不若矣汗血駒天下之良馬也使之捕鼠則曾
老猫之不若矣况雞可獵而猫可駕乎

栗谷萬言封事

李珣萬言封事曰設官分職各有所司三公總統機
宜六卿分理庶務侍從有論思之責臺諫受耳目之
寄下至庶司小官莫不各有其任監司宣化于外節
帥總督于邊守令分憂鎮將監戍亦莫不各有其職
今者銓選專出於請囑而不過安排一二名士以託
公以至庶司之官漫不知所掌何事唯知積日累朔

以求遷

辭職稱疾

李珣辭職李之菑見珣名士多會之菑大言曰聖賢
所為頗作後契孔子稱疾不見孺悲孟子稱疾不就
齊王之召故後世之士多以無疾稱有疾夫稱疾欺
人乃人家怠奴懶婢之所為而士者忍為之乃托孔
孟豈非聖賢之所為作後日之契乎時珣稱疾將免
大諫故云又曰去年妖星吾則以為瑞星珣曰何謂
耶之菑曰人心世道極其潰散將生大變自星見之
後上下恐懼人心稍變豈非瑞星乎又語諸名士曰

當今救危之路只有一奇策今世必不用坐客請問
之良久乃言曰今日叔獻留朝則必不至危亡此乃
奇策楚漢相距以得韓信為奇策關中初定以任蕭
何為奇策一坐皆笑栗谷還鄉李之菴責之曰親病
極重而為子者奉藥以進則病親極怒以椀投地有
時擲于子面傷其鼻目則為子者其可退去乎其可
泣涕進勸乎以此可知君之是非矣珥曰言甚切矣
但君臣父子無乃有間乎

我朝取人之路

申欽曰我朝取人之路有三曰文科曰武科曰蔭職

文科則試之以文講之以經武科則試之以弓馬講之以兵書蔭職則保舉取才公薦里選然後方許注擬蓋二百年不易也資級有九品由郎至大夫陞資者必許朔滿朔乃遷稱爲仕加國有恩賞而頒及百官者稱爲別加父兄官高不親受恩加者子弟代受之稱爲代加別加代加非常典也待滿而遷者必閱數年纔陞一階故其在治平居官者非有閥閱功勞不得橫遷故筮仕者雖十年猶未得通訓階士辰以後國家被兵播越急於討賊寸功毫績皆以爵賞賡之由是文武兩途俱溷矣至于今日朝著益多故希

恩覬賞者同有紀極大者上褒策勲小者乘時驟躋
緋貂金犀滿於道路戴王腰銀者幾乎斗量黃口小
兒為叅奉監役察訪者問其資級則無非通訓者不
久出補外縣則捕一穿窬穿一溝渠任一差員舉擢
上大夫之列甚至科舉取士皆用私情或考官與舉
子公然相通或借述於人不少顧忌既得之後則臺
省館閣若固有之超資越序人莫敢言問之則乃出
於某之門下而主張某事者也故設科之命甫下而
試士之題已播於外間榜未揭而舉子之入落先定
自數年來士之赴舉者廢功令而務奔競耻與之伍

者皆棄舉業屏居於外

分職各專其任

又曰古者設官分職各專其任而已兩漢亦未聞有兼職之事魏晉之際雖事苟且亦無其規自唐以來始有兼領宋因五代之弊諸司例多兼職官紀紊亂莫極於此至於本國官制則大抵倣宋以後而為之以故大典職官書以他官兼者十居六七所以今日官無責任之弊至於斯也苟泝古今而觀其效驗則其可法可監當自見也

醫官不得為輔國

顯宗朝勿許醫官之陞輔國從司諫李敏迪之啓也
後仍為著令

論體統疏

疏曰體統所以不立者大臣不能持大體而下行庶
官之事政府不能揔百揆而權設備局之制細而至
於詞訟刑獄錢穀甲兵州郡差除無不親執其事身
服其勞而困於簿書之間宰相不親細事之義果安
在哉人君上應天道建官列職吏曹曰天官戶曹曰
地官禮兵刑工為春夏秋冬所以法乎天地四時也
六卿之重何所不統而今有訓局御營廳禁衛營掩

戎廳宣惠廳賑恤廳自立衙門體面尊重反在六卿
之上兵務不通乎司馬而夏官失其職矣財賦不統
乎司徒而地官失其職矣號令多門耗蠹多端紊奸
雜亂而體統以之不立矣臣愚願軍務衙門舉屬之
兵曹財賦衙門舉屬之戶曹使衙門雖多而統紀不
亂事類雖繁而綱領可尋其訓練宣惠以下諸官有
過兵戶兩部得以按治其罪以明一綱萬目之義而
大臣持其大體總其治要而責成焉則庶幾上下相
承等級分明而體統自立國勢自尊矣

有才者逢亂世

十四年閔鼎重上疏曰人之有才者逢亂世則善將
逢治世則善相隨其所遇無所不可苟不逢時只是
尋常若以宣祖朝人才言之有若李恒福李德馨李
元翼尹斗壽柳成龍等諸臣平時只是文章名論而
已有以此人輩可以定板蕩之亂樹中興之業者國
人皆以為不然及其立大勲勞然後始知其才烈不
減於漢之鄧馬也至如李舜臣本是微末權慄素無
名望苟不逢時老死下職則人莫知其抱不世之才
而至今泯滅久矣當今之世又安知其老死幾許權
李之才乎臣又以為雖有其才不試之以職亦不可

以得之矣

用人唯科試與蔭路疏

肅宗二十七年李奮劄曰竊考政案主簿別提六品
官合四十四員而雜技遷轉者叅其半各衙門武班
來者又居四之一士族生進蔭堪為守宰者其數絕
少究厥所由職以雜歧通仕路者富廣而然也謹稽
國典律員計士等授吏職者其目不多而必以所業
精通者啓授之又考本朝前後受教三醫司雜職經
本衙門六品以上職者東西班實職除授時皆從初
入仕例軍門將官則正科出身被薦內三廳取才入

格者移送東銓觀象監三學兼教授有闕勿補必得其人然後啓差而詳考能否非有顯效則不許陞六吏文學官六員內二員陞為叅上適兒除學官者仕滿三十朔陞授其廳叅上又滿三十朔後陞出東班六品職而製述官叅下人員亦一體施行今若申明此法則仕路之穰雜庶可稍減此外又有能磨兒郎廳及治腫教授亦以三十朔陞六此類並宜汰冗減數而其陞遷之時依吏文學官之例準六十朔許移東銓觀象監兼教授之當陞者亦準此為例而自本曹皆依正職例必考講然後許陞至於外方將官及

扈衛廳軍官則皆自兵曹調用勿復混移本曹其餘一切猥雜有違於祖宗舊制者恐不可不並皆停革以清仕路

銓官擇差疏

英宗十年全羅監司趙顯命上疏曰吏兵兩曹銓衡之所在也必持心平而鑑別明而後方可謂稱職下此者必謹守格式愛惜名器而後庶幾寡過而近來銓格漸壞仕路漸淆以蔭職總陞六而成為卅部以武則初出身而驟除間帥甚至於雜技遍於字牧奴隸聘於衣冠銓選之臣頗可警責也秋漢二府訟獄

所歸則法所出而厭貧避劇苟充尤多堂上則為二
品武宰輪差之黨郎廳則為老殘蔭官久任之所故
猾胥舞美刑法不肅立落成於關節金矢多於桁揚
於是都下之人心不服而四方之聽聞可怪詞訟之
官尤可簡擇也如臣等輩亦忝方伯今日此選可謂
寒心或以德望或以風稜或以守法奉公或以聰明
才敏作為數件題目詢于大臣六卿別為名錄隨闕
差送毋令臨時取辦苟徇私意如肅宗代柱帖之為
則監司可以得人矣生民休戚係於守令守令之不
得人京司殿最之法不嚴也外方守令出自郎署不

得其人初仕保舉之法不行也保舉之法行則初仕
不淆雜矣殿最之法嚴則卽署無濫廁矣然則由卽
署而出為守令者其有不稱職者乎

文臣武臣之別

李漢曰文臣有試射而武臣不試經文臣為將任武
臣不得為文職杜預之兵謀宣尚卻縠之詩禮可廢
耶此導使之然也若擇其可堪者而許之或將有才
行優於文臣矣是以今之武臣以才行為脫屣以其
無所裨也武臣之騎不過偏裨之才也今則武臣不
但蒙昧儒經亦全棄武書如是而其能為萬人敵耶

宣遵文臣殿講之例武臣亦試武經其通曉者揀拔而用之其願講儒經者亦許之擇其與文臣並者授之大任則可以養成將帥之才且稍變其麀胆之習也

主文硯

主文硯自南袁傳李荇相傳至李德馨壬辰倭亂見失天兵得之取作支甕石我人見之還為取來復置弘文館更傳至李爾瞻爾瞻敗復見失申欽主文以安東馬肝石復作一大硯以為傳心硯今之所存即此也

公堂問答

海東名臣錄曰孟思誠嘗以相臣自溫陽還朝中路遇雨入于龍仁旅院有一人騎從甚盛先處樓上思誠入處一隅登樓者是嶺南人欲為錄事取才上京也見思誠招與共登談咲博戲且以公字堂字為問荅之言後日政府之坐其人以取才入謁思誠俱以實告諸宰大咲以思誠陪錄事賴其薦拔屢典郡縣後世稱之曰公堂問答

相門刺紙

又曰尹孝孫父處寬為議政府錄事晨往刺相公之

門閤人辭以寢不為通日晚飢困歸家謂孝孫曰余
以不才喫辱至此汝須勤業無如爾父也孝孫書刺
尾云相國酣眠日正高門前刺紙已生毛夢中若見
周公聖顏問當年吐握勞翌朝錄事不省又往投刺
相公見其詩引入問曰是爾所題否錄事驚惧失措
觀其字畫乃孝孫筆也乃以實吐相公召見孝孫極
加獎歎取以為婿

南溟封事

曹植封事曰自古權臣專國者有之戚里專國者有
之宦侍專國者有之未聞胥吏專國如今之時政在

大夫猶不可況在胥吏乎公卿大夫濟濟先後而相率而歸政於僮隸至於軍民庶政邦國機務皆由此刁筆之手財聚於此民散於外雖莽卓之奸亦未嘗有此也

吏胥弄奸之弊疏

肅宗九年李敏叙疏曰凡吏胥弄奸之弊遍滿於中外凡於米布之出納刑獄之緩急號令之操縱簿書之出入莫不因緣賁賂無有畏忌事大則得大賂事小則得小賂無一事而無賂不以為怪恬以為常尤甚奸黠者竊簿書盜財物者不可勝數此輩寔繁有

徒根據於一司之中持吏長短任意顧指小官末職
無識患失者行止坐立一聽其言恐或違失其意生
事失職此輩有權力足以興訛造謗搖動朝廷締結
權要伺覷動靜雖大官亦且心憚而貌順或心結而
陰與市井牟利之徒諸司防納之類皆相締交雖犯
奸如山而官不敢問或因事抵法而百計脫出此誠
國之大蠹而官之蠹賊也宋人所謂本朝乃胥吏之
天下曹植所謂我國亡於胥吏之手者誠至論也古
者吏受賂一足罪至死而今乃蕩然無禁討賂不忌
今欲救革此習則必令攸司先議其廩食使得代耕

而大小官吏精擇久任使之奉公督奸如有納賂犯罪而現戮者則輕重處法又使吏曹行輪定之舊制法司嚴摘發之令使銖兩之奸亦不得隱伏則其弊可以漸革矣李暉光曰曹植言朝鮮以吏胥亡國可謂痛切至于今日吏胥之害滋甚為官者朝更暮遷席不暇暖而胥輩從少至老任事自若操縱伸縮專在其手非止竊簿書盜財物而已俗所謂江流石不轉以此

吏無陞遷之論

又曰吏員之有祿俸歷代皆然而國朝吏胥無給祿

之規有去官之制然不得陞遷更無生理其因緣欺罔美法作奸固其所也自變後吏額減縮權給月料而議者猶惜經費欲加裁劑亦不知其可也

山字官

玉堂本無立吏只有選奴一頭故例借於他司帶率鄭錫堅為應教獨不借立只以鑷牌皂卒前導而跨馬居中唯一奴隨後道路指咲曰山字官員

監司要略

三峯監司要略跋曰監司之設宣上德而達下情懲豪猾而惠困窮一言而人以勸一言而人以警其任

顧不重歟然古者秩卑今則擇兩府之賢而有才望者為之位與權俱重矣位重則人益敬之權重則人益畏之以一人之身而居人所畏敬之地必其德行施設有以服乎衆人之心而後可也為監司者可不自重歟三峯鄭相國抄錄周漢以來至本朝監司沿革得失之迹附以先儒所論之說又以最善作考課之法定其分數使刺舉者有所依據名之曰監司要畧約而盡詳而切監司者所當服膺也

監司率眷之始

中宗十三年分嶺南為左右道又令監司率眷上議

于大臣八道監司並率眷再替許遠有府尹處兼府尹無則界首官判官牧使下批慶尚道則分為左右道京畿則依前留在京營浚復舊

左右監司

壬辰之亂又分京畿為左右道成泳為左監司李廷馨為右監司未幾還罷又慶尚道為左右道韓孝純為左監司金晔為右監司翌年還罷乙未又分為左右道丙申還罷

論監司之任啓

仁祖十六年備局啓曰我國所管州縣多者六七十

一年之內巡歷未遍而瓜限已滿雖有周任之才何以責其成效乎八道監司內兩界則原有成規京畿江原道郡縣無多道里甚近雖不久任亦可海西雖小西關直路其任之重無異關西三南及海西並為久任一依兩界監司則民軍之政必有著實之效矣

監司相避

顯宗九年閔熙為全羅監司物議以兄弟交承為不可大司憲鄭知和奏曰法典無相避之規而嘉靖乙巳年間受教有掌錢穀之官交代相避之文故事監司只按廉而無主管錢穀之事今則監司皆有所管

相避之法不可不議定也遂遶閱熙仍為定式

武監司


臣謹按觀察使即古者方伯之任也必以文臣揀選
差送至於武臣則絕無而僅有世宗庚戌崔潤德以
曾經貳相拜忠清道觀察使世祖丁亥宣炯以功臣
拜黃海道觀察使癸卯又拜永安道觀察使庚子金
嶠以功臣拜平安道觀察使辛丑李鐵堅以功臣拜
慶尚道觀察使李德良以功臣拜京畿忠清江原永
安四道觀察使燕山丁巳呂自新以資憲拜永安道
觀察使壬戌朴元宗拜江原道觀察使丙寅又拜京

畿觀察使中宗辛巳柳聃以曾經兵判拜平安道觀察使仁祖癸亥李曙以功臣拜京畿觀察使此外無聞焉成宗二十二年許琮以永安道觀察使拜都元帥征野人

以監司入京

孫舜孝嘗以江原監司一日入京肅拜上御便殿引接賜酒良久而罷舜孝即日下直還去兩司以未有召命擅離藩任請罷上引見兩司賜酒曰久離榻下思戀其主來見而去人臣至情罪之輕重予未及知兩司踧踖而退明宗二年七月慶尚道觀察使任虎

臣以觀上京引見下送英宗四年朴文秀以慶尚道
觀察使召赴會盟宴特命御史李宗城受印符其間
代行方伯事明年二十四年以錄勲事下送宣傳官
特召洪清監司林堦乘駟上來勘定勲次其間令都
事代察肅宗十三年光城府院君金萬基病重其子
鎮龜方為全羅道觀察使命數騎下諭不待交龜上
來救護國朝中古以上內地監司多以觀親成婚事
往來京中多見於文集碑狀中



臣以職工京師見下近漢家四年科苑等以慶新運
賜祭漢名趙會明宴特命御史奉宗城堂印符其出
行方往事明年二十四年以歸勸等下進堂傳雲
時在派消豈可錄者產就上奉勸定數次其間亦都
事州縣高宗十一年有以城府經兵食為基病其子
孫龍吉為念茲道與宗使令貴將下諭不許文龜上
奉成等因親事官以上傳地監司是以親親而地事
性東京中官無所大為礙次中

